



# 2024 | WIT KERSFEES

## KLASSIEKE OOS-EUROPA EN KERSMARKTE

TOER DATUMS: 09 DESEMBER – 20 DESEMBER 2024



# 2024 | WIT KERSFEES

09 DESEMBER – 20 DESEMBER 2024



€2870\* PER PERSOON WAT DEEL/TWIN | €705\* ENKEL EKSTRA KOSTE  
SLEGS LANDREËLINGS

## INLEIDING

Met tot 3 dae in van die stede sowel as weg-gesteekte romantiese middel-eeuse dorpie en hulle unieke bekoring kry jy die kans om die indrukwekkende katedrale, keiserlike paleise en storieboek kastele van sommige van Europa se mees dramatiese hoofstede te besoek. Daarmee saam wag die geure en kleure van die mooiste kersmarkte op jou! En as ons gelukkig is... sneeu. Kom saam op 'n ongelooflike toer met vyfster verblyf en vervoer gevul met unieke plaaslike ervarings. As jy al ooit gedroom het van 'n ware wit kersees ervaring is die toer spesiaal vir jou. Geen wonder dit is een van ons oudste en gewildste toere nie.

## LEEF JOU REIS ERVARINGS

**BUDAPEST:** Besoek 'n tradisionele strudel bakery om die ware strudel te proe en om miskien self die kuns aan te leer van hoe hierdie Hongaarse lekkerny gemaak word. Verwag warm uit die oond strudel saam met vars koffie!

**WENE:** Klassieke era konsert waar Mozart sou optree terwyl jy luister na die bekende Strauss Walse.

**PRAAG:** Die weggesteekte juwele van Praag soos die stad se oudste ondergrondse Restaurant met lewendige musiek en tradisionele geregte. En natuurlik ook die mooiste kersmarkte.



**GEMAKLIKE PAS BUDAPEST,  
WENE & PRAAG**

# 2024 | WIT KERSFEES

09 DESEMBER – 20 DESEMBER 2024



## HOOGTEPUNTE UIT DIE BOONSTE RAKKE

- Die Matthias kerk in Budapest
- St Vitus katedraal in Praag
- Schönbrunn Paleis in Wene (privaat besoek)
- Kersmarkte en die geur van speserye in die lug
- Paleis met klassieke era-konsert in Wene
- Oudste restaurant in Praag met tradisionele musiek
- Die bekende blou Donau
- Tradisionele geregte soos Sacher-Torte (Sjokoladekoek) en die koffiehuis kultuur van Wene, Tridelník in Praag en die paprika gekeurde goulash van Hongarye.
- Stadstoere van Budapest, Wene en Praag saam met plaaslike deskundiges & Leef Jou Reis.
- Sien die Heldeplein, Váci Utca, die Hongaarse parlamentsgebou en die Visserman Bastion in Budapest. \*Hofburg koninklike paleis en operahuis in Wene \*Cesky Krumlov kasteel \*Praag kasteel, die ou stadsplein en astronomiese kloktoring in Praag.
- Geniet die natuurskoon terwyl jy deur die Weense woude en Bohemië reis in ons luukse bus met ekstra beenruimte en gratis wifi.

## OUTENTIEKE ETES

- Verwelkomings dinee by Gundel in Budapest
- Oudste restaurant in Praag met tradisionele musiek in middeleeuse omgewing
- Gastronomiese ervaring op die Weense platteland vanuit 'n vergete era en waar van Napoleon tot konings en beroemdes sou aansit vir n feesmaal.
- Pilsner bier en gerookte kaas op die kersmarkte (opsioneel)
- Tradisionele Strudel gebak.

## REISPLAN IN 'N OOGOPSLAG

4 Lande

3 Nagte Budapest

3 Nagte Wene

1 Nag Český Krumlov

Dagbesoek na Bratislava (Slowakye)

2 Nagte Praag





## DAG 1: WELKOM IN BUDAPEST

Met ons aankoms by Budapest gaan ons reguit Hotel toe om ons tasse te stoor. Ons geniet die kersmarkte wat naby die Hotel geleë is en gebruik die tyd om die pragtige stad en sy feestelike atmosfeer behoorlik in te neem en 'n bietjie beter te leer ken alvorens ons later kan inboek.

**(Aandete met Wyn)**

## DAG 2: ONTSPANNE VERTREK BUDAPEST, KONINGIN VAN DIE DONAU

Reis al langs die mooi boulevards na die Heldeplein. Ons stap saam met 'n plaaslike kenner oor die rivier met die beroemde kettingbrug in Budapest en volg die middeleeuse keistenstraatjies in die kasteeldistrik tot by die Matthias Kerk. Bewonder dan die verruklike uitsig vanaf die Visserman Bastion oor die swierige parlamentsgebou.

Later die dag kan jy bloot ontspan of die stad en kersmarkte op jou eie pas verken. Aanskou hoe 'n bakker by 'n strudel bakkery werk terwyl hy 'n watertand strudel voorberei deur die deeg te rek en vulsel daarop te stapel. Geniet dan 'n smaaklike happie van hierdie beroemde lekkerny saam met 'n geurige koppie koffie.

Ons sluit ons aand af op 'n hoë noot en groot hoogtepunt met n spog aandete by een van Budapest se bekendste en oudste Restaurante. Daar wag tradisionele geregte en hongarse wyn en 'n strykorkes op jou!

**(Ontbyt, Strudelhappie, Aandete)**







## DAG 3: ONTSPANNE VERTREK, 'N LOSLIT DAG IN BUDAPEST EN BOOTRIT OP DIE DONAU

Vandag kan jy rustig en salig die wêreld op jou eie verken. Miskien wil jy die kersmarkte besoek of dalk een van die warmbronne en baddens met hul helende waters gaan verken! Die Joodse buurt met die 'Ruins bars' en 'n slukkie Palinka oftewel fluitbrandewyn mag dalk ook op die spyskaart wees.

Budapest is prentjiemooi en jy kan doodluiters langs die Donau afstap en jou verkyk aan die mooi historiese ou geboue. Budapest se Parlements gebou is die grootste gebou van die land en omtrent 'n indrukwekkende gesig. Dit huisves ook die kroon van Hongarye se eerste koning Stefanus I en is verseker 'n besoek werd.

Later geniet ons 'n rustige bootrit op die pragtige Donaurivier met aandete aan boord. Dit is ongetwyfeld een van die hoogtepunte van jou toer. **(Ontbyt, Aandete)**

## DAG 4: REIS LANGS DIE WALLE VAN DIE DANAU NA DIE STATIGE WENE MET N BESOEK AAN BRATISLAVIA, DIE KLEIN HOOFSTAD VAN SLOWAKYE

Vandag vat ons die pad na Wene waar 'n klomp hoogtepunte op jou wag. Ons stop by die kersmarkte van Bratislavia waar jy lekker kan rondloop en die unieke klein stadsplein se kersmark kan geniet. Dis meer intiem met baie tradisionele speelgoed en gebak.



Die historiese stad met sy St Michaels hek vanuit die middel-eeue troon bo dit alles uit. Die kasteel is ook naby sou jy dit wil verken. Dis 'n lekker bonus om die stad te kan besoek onderweg na Wene en jy gaan dit baie geniet. Na ons kort besoek steek ons die grens oor en toer verder tot by die statige Wene, die tuiste van klassieke musiek, wat bekend is vir sy elegante koffiewinkels en kwistige argitektuur vol geskiedenis.

Geniet aandete by een van die vele restaurante in die omgewing. Vra ons Leef Jou Reis spanlede vir opsies in die omgewing. **(Ontbyt)**



## DAG 5: ONTSPANNE VERTREK, 'N VERASSING & WENE IN JOU VRYE TYD

Ons slaap laat en geniet 'n rustige ontbyt en drink nog 'n tweede koffie alvorens ons regmaak vir die dag. Ons ontmoet 10h00 vir 'n baie spesiale ervaring wat jy slegs in Wene kan beleef. Jy sal moet wag en sien wat Leef Jou Reis vir jou beplan het...

Na ons spesiale uitstappie kan jy die mooie Wene op jou eie pas verken. Daar is 'n magdom besienswaardighede om te besoek, om van die kersmarkte nie eens te praat nie. Die Leef Jou Reis staan by met raad, rigting en aanbevelings.

Ons ontmoet eers weer vanaand vir 'n feesmaal soos wat jy nog nooit beleef het nie. Jy word weggevoer na 'n sprokieswereld en 'n Restaurant wat dateer vanuit die Napoleontiese era. Die vrouens is gewoonlik gaande oor die mansbadkamers en ons wonder hoekom? **(Ontbyt en Aandete)**

## DAG 6: WENE & DIE HAPSBURGS

Sluit aan by ons plaaslike gids vir 'n privaat besoek aan Maria Theresa se Schönbrunn Paleis met sy formele tuine. Die kamers wat met goud beklee is, sal jou asem wegslaan! Die paleis spog ook met die wêreld se oudste dieretuin. Ons besoek is privaat en sonder al die massas mense wat daaglik hier besoek aflê.

Hou jou kamera gereed vir 'n asemberewende rit op die beroemde Ringweg. Die operahuis, Hoffburg Keiserlike Woning, die Oostenrykse parlamentsgebou en die Karlskirche is almal langs die antieke stadsmure gebou. Wene se kersmarkte is ook besonders en jy moet beslis 'n gluhwein gaan drink. Die bekende Landtman koffiehuis is oorkant die mark en hulle Sacher tert is 'n wenner. Wene is 'n magiese stad met vele juwele.

Ons sluit die dag af met 'n hoogtepunt! Ons kuier in 'n paleis waar Mozart sy eerste konsert gehou het, en geniet 'n klassieke era konsert en luister na bekende Weense walse.

**(Ontbyt en Sjampagne)**





## DAG 7: ONTSPANNE VERTREK NA DIE SKILDERAGTIGE ČESKY KRUMLOV

Nadat ons die Tsjeggiëse grens oorgesteek het, toer ons verder tot by die skilderagtige Česky Krumlov waar ons afskop met 'n vinnige oriënteringstoer. Stap rustig deur die verkeervrye klipstraatjies, verby kleurvolle huisies tot by die mees indrukwekkendste kasteel in die land. Die mark is gevul met tradisionele geregte en aandenkings.

Die dorpie met sy historiese midde-dorp en die Vltava rivier wat salig deurvloei is so mooi dat ons hier oorbly vir die aand. Jy kan dus rustig en op jou eie pas die kersmarkte verken. Ons Hotel is perfek geleë en letterlik op die ou stadsplein waar jy loopafstand van alles is en waar die kersmusiek speel. Soek 'n knus en gesellige eetplek vir jou vir vanaand terwyl die gees van Kersfees jou omvou. **(Ontbyt)**

## DAG 8: PRAAG DIE STAD VAN N HONDERD TORINGSPITSE

Vandag wag nog 'n hoogtepunt op jou as ons die sprokiesdorp Česky Krumlov verlaat vir die hart en juweel van Oos-Europa, Praag. Ons los ons bagasie by die Hotel en gaan vir n kort oriënteringstoer van die stad om vir jou die bakens en hoogtepunte uit te wys. Dalk stop ons iewers vir 'n koue Pilsner, eie aan die stad. Praag se kersmark word gereken as een van die mooistes in die wêreld en met die astronomiese klok ook op die ou stadsplein gaan jou sintuie oortyd werk.

Vir die res van die dag en aand ontspan en verken jy na hartelus. Die Leef Jou Reis span is byderhand en kan jou selfs wys waar jy in bier kan bad... **(Ontbyt)**

## DAG 9: ONTSPANNE VERTREK EN DIE GEHEIME VAN PRAAG

Stap saam met jou plaaslike toergids deur een van Europa se mees beeldskone en historiese stede. Begin by die 1000 jaar oue Praag Kasteel waar jy die loodglasvensters van St Vitus katedraal kan bewonder asook die asemrowende uitsig oor die Ou Stad. Leef Jou Reis is byderhand om vir jou 'n paar dinge uit te wys. Die Charles brug is ook op die program en daar lê interessante stories.

Die toer eindig by die Ou Stadsplein waar die meganiese manewales van die Astronomiese Klok se klokkespel die toeskouers uurliks vermaak. Vir die res van die dag is die stad joune om self te verken. Die Tsjegs is baie lief vir hulle bier en jy kan gerus die plaaslike produk sowel as die Tsjeggiëse geregte probeer.

Vanaand wag daar weer 'n kulinêre ervaring op jou gekombineer met 'n middel-eeuse gevoel. Tradisionele Tsjeggiëse geregte en musiek is op die spyskaart. Klink 'n glasie en sê "Na zdravi", of wel gesondheid op 'n besonderse aand. **(Ontbyt en Aandete)**



## DAG 10: VERTREK VANAF PRAAG

Na ontbyt kom hierdie wonderlike toer tot 'n einde. Die vertrek reëlins sal vroegtydig deurgegee word.

## INGESLUIT

- Luukse bus met lugreëling
- Bootvaart op Donau met aandete
- Alle foonkaartjies deurgans
- Klassieke konsert saam met sjampagne in kasteel
- Daaglikse ontbyt
- 5 x Aandetes (3 met wyn /bier)
- Leef jou Reis as jou wonderlike toerleier en gasheer
- Reisversekering tot ouderdom 74 (kontak ons hieroor en ons help graag)
- 3 nagte luukse verblyf Budapest, 3 nagte luukse verblyf Wene, 1 nag luukse verblyf Český Krumlov, 2 nagte luukse verblyf Praag
- lughawe vervoer tydens groepsvlug
- Alle uitstappies, spesialis gidse en ingangsfooie waar van toepassing

## UITGESLUIT

- Vlugkaartjie en lughawe belasting (ons doen 'n groepsbespreking wat jy kan gebruik vir jou gemak en ons sal alles namens jou hanteer)
- Aandetes (tensy gespesifiseer) en alle drankies
- Middagetes (tensy gespesifiseer) en alle drankies

- Persoonlike uitgawes
- Opsionele ekskursies
- Visum (ons help jou met die proses)
- Vlugte in SA indien benodig

## OPMERKINGS:

- Jy benodig 'n visum wat nie ingesluit is by die prys nie. Wees egter verseker ons help jou met alles en voorsien alle nodige dokumentasie.
- Daar sal 'n Leef jou Reis toergids heelyd aan diens wees om te help met alle vrae en inligting.
- Daar word opsionele ekstras aangebied, maar ons sal as groep saam besluit waarvoor ons lus het – dit staan elke persoon vry om te kom en gaan soos hy wil.
- NB: Jy is in goeie hande en kan bloot terugsit en die reis geniet maar ook jou eie pas bepaal. By Leef jou Reis stap ons graag, maar daar is deurentyd alternatiewe opsies beskikbaar. Waar ons moet en sou dit spontaan gebeur boek ons dalk selfs 'n taxi as ons wil wegbreek veral om die Palinka (fluit-brandewyn) te gaan proe...
- Kom met 'n oop gemoed, kom maak nuwe vriende, pak warm en kom Leef Jou Reis! (Ons stig so 'n week voor vertrek 'n whatsapp groep om inligting deur te gee. Dis jou kommunikasie met Leef jou Reis. Maak asb seker dat jy op jou besprekingsvorm alle selnommers verskaf wat op die groepie moet wees. Na en gedurende die toer deel ons foto's en videos hier).



# 2024 | WIT KERSFEES

09 DESEMBER – 20 DESEMBER 2024



- Dra asb ook kennis dat indien nodig ons van die dae se program inhoud mag omruil om vir jou die beste tyd van jou lewe te waarborg.
- Die program sluit in bed en ontbyt en verskeie aandetes en uitstappies soos aangedui, sowel as 'n klassieke konsert en verskeie spesialis gidse. Kyk hoe 'n sjef strudel maak en geniet hierdie tradisionele soethappie in Budapest.
- Die toerprys sluit in vervoer na en van die lughawe. Die bus is ruim en ons het selfs sitplekke uitgehaal vir ekstra beenruimte. Daar is ook gratis wi-fi beskikbaar op die bus. Jy gaan luuks en lekker ry.

## DINGE OM TE ONTHOU:

- Om jou **plek te verseker op hierdie baie besondere toer benodig ons 'n \*nie-terugbetaalbare deposito van R12 000\***. Dra asb kennis dat ons verplig is om die deposito en administrasie fooi aan ons operateurs oor te betaal so vergewis jou asb van die terme en voorwaardes soos vervat op die webwerf.
- Die **tweede betaling van R15 000 word benodig teen 01 Augustus. Jou volgende betaling van R10 000 geskied 01 September en die totale uitstaande teen 15 Oktober 2024.**
- Die reisplan kan verander onderhewig aan beskikbaarheid en veiligheidskwessies.

- Jy benodig 'n **paspoort wat geldig is vir 6 maande na terugkoms (dus 20 Junie 2025) met twee skoon bladsye beskikbaar.**
- Die wisselkoers is gebaseer op 1 Euro = 21, sodat ons alle kostes en wisselkoers verskille gedurende betalings na die buiteland kan dek. Dit word bepaal op bedrag en datum wat ons verskaffers betaal. Sou die geld eenheid daal to laer as 1 Euro = 21, sal die prys aangepas word op die finale faktuur.
- Pryse is gebaseer op EFT betalings.





## WAT OM TE DOEN?

Stappe om te volg om jou plek op die Wit Kersfees-toer te waarborg:

### STAP 1:

Laat weet ons jy wil graag by ons aansluit op hierdie opwindende toer en stuur vir ons jou eposadres en selnommer. Ons stuur dan vir jou die besprekingsvorm wat jy moet voltooi en terugstuur saam met 'n kopie van jou paspoort en bewys van betaling van jou deposito na ons epos, [leefjoureis@twf.co.za](mailto:leefjoureis@twf.co.za)

- **BANKBESONDERHEDE:**

LeefJouReis TWF, Standard Bank, Takkode: 051001, Rekeningnommer: 012324523

- **VERWYSING OP DEPOSITO: WIT24 + NAAM & VAN.** Maak asb seker jy gebruik die regte verwysingsnommer en dat jy dit aan [leefjoureis@twf.co.za](mailto:leefjoureis@twf.co.za) stuur.

### STAP 2:

Ons stuur vir jou bevestiging en wenke vir die reis, bestemmings en dinge om te beplan.

### STAP 3:

Raak opgewonde en sien uit na die mees ongelooflike vakansie in jou lewe!



**VIR MEER INLIGTING KONTAK ONS GERUS OP:**

Selfoon: [+27 82 923 3626](tel:+27829233626)

Epos: [bookings@gerriepretorius.co.za](mailto:bookings@gerriepretorius.co.za) | [leefjoureis@twf.co.za](mailto:leefjoureis@twf.co.za)

Webwerf: [www.gerriepretorius.co.za](http://www.gerriepretorius.co.za)

**BLY OP HOOGTE EN VOLG ONS OOK OP SOSIALE MEDIA:**

Leef jou Reis Vriende

@GerrieOfficial

@Gerriepret

Leef jou Reis met Gerrie Pretorius